

Набий алайҳиссаломнинг мўъжизалари



14:00 / 30.11.2023 2562

أَفِي وَحَاتِ أَعْنَ وَوَدَعَتْ مُتْنًا أَوْ عَكَرَبَاتِ أَيْ آلِ الدُّعْنِ أَنْ كَبَلِاقُ هُنَّ عُلُوقُ هَلَالِ يَضْرِبُ هَلَالِ دَبَعٌ نَعِ
أُوبُلُطًا: لَأَقَفُ أَمَامَ لِقَافٍ رَفَسِ يَفِ مَلَسُو هَيْلَعِ هَلَالِ يَلِصُّ هَلَالِ أَوْ سَرَّعَمُ أَنْ كَبَلِاقُ
سَيِّحٌ: لَأَقُ مُثْنًا إِي فِي هَدَى لِحْدَافٍ لِيَلِقُ أَمَامَ هَيْفِ إِي أَنْ إِبِ أَوْ أَجَافٍ. «أَمَامُ نَمَّ عَالِضَفِ
عَبَاصِ أَنْ يَبُ نَمُ غُبْنِي أَمَامِ لُتِي أَرْدَقَلَفِ. «هَلَالِ نَمُ عَكَرَبَاتِ أَوْ كَبَلِاقُ رَابُ مَلِ رُوَّةِ طَلَالِ يَلِ
لُكُؤِي وَهُوَ مَاعِطَالِ أَحِي بَسَتْ غَمَسَنُ أَنْ كَدَقَلَوِ، مَلَسُو هَيْلَعِ هَلَالِ يَلِصُّ هَلَالِ أَوْ سَرَّعَمُ
هَيْلَعِ هَلَالِ يَلِصُّ بِنِ لَأَعَمَ مَاعِطَالِ لُكُنْ أَنْ أَنْ كَبَلِاقُ يَلِصُّ بِسَتْ غَمَسَنُ نَحْنُ وَ مَلَسُو

Абдуллоҳ розияллоҳу анҳудан ривоят қилинади:

«Биз мўъжизаларни барака деб ҳисоблар эдик. Сизлар уларни қўрқитиш деб ҳисоблайсизлар. Расулulloҳ соллаллоҳу алайҳи васаллам билан сафарда эдик. Сув оз бўлиб қолди. Бас, у зот:

Бухорий ривоят қилган.

Жобир розияллоҳу анҳудан ривоят қилинади: «Отам вафот қилди. Унинг зиммасида қарзи бор эди. Пайғамбар соллаллоҳу алайҳи васалламнинг ҳузурларига бориб: «Отам ўз зиммасидаги қарзни қолдирди. Менда унинг хурмосидан чиқадиган нарсадан бошқа ҳеч нарса йўқ. Унинг йиллар бўйи чиқаргани ҳам зиммасидаги қарзга етмайди. Мен билан борсангиз, ҳақдорлар менга қаттиқ тегмасалар», дедим. У Зот мен билан хурмо хирмонларидан бир хирмон атрофида юрдилар-да, Аллоҳга дуо қилдилар. Кейин бошқасини ҳам шундоқ қилдилар ва унинг устига ўтириб олиб: «Уни ўлчаб олинглар», дедилар. Уларга ҳақларини тўлиқ қилиб бердилар. Яна уларга берган нарсаларича ортиб қолди».

Бухорий ривоят қилган.

Жобир розияллоҳу анҳудан ривоят қилинади: «Масжиднинг шифти хурмо шохлари устига ёпилган эди. Пайғамбар соллаллоҳу алайҳи васаллам ўша шохлардан бирига суяниб туриб хутба қилар эдилар. У Зотга минбар қилиб берилганда ва у Зот унга чиққанларида ҳалиги шохнинг ҳомиласига ўн ой тўлган туянинг овозига ўхшаш овозини эшитдик. Шунда Пайғамбар соллаллоҳу алайҳи васаллам келиб, унинг устига қўлларини қўйган эдилар, у жим бўлди.

Бошқа бир ривоятда:

«Жума куни бўлганда ва у Зот минбарга кўтарилганларида, хурмо бувак йиғлагандек овоз чиқарди», дейилган.

Бухорий ва Насай ривоят қилган.

Термизийнинг лафзида:

«Бас, хурмо шохи урғочи туя зорлангандек зорланди. Пайғамбар соллаллоҳу алайҳи васаллам тушиб уни ушлаган эдилар, сокин бўлди», дейилган».

Жобир розияллоҳу анҳудан ривоят қилинади: «Расулуллоҳ соллаллоҳу алайҳи васаллам билан юриб бориб кенг водийга тушдик. Расулуллоҳ соллаллоҳу алайҳи васаллам қазои ҳожат учун кетдилар. Мен ортларидан бир идишда сув олиб бордим. Расулуллоҳ соллаллоҳу алайҳи васаллам

назар солиб, ўзларига тўсиқ бўладиган нарса кўрмадилар. Водийнинг четида икки дарахт кўришиб қолди. Расулуллоҳ соллаллоҳу алайҳи васаллам уларнинг бири томон юриб кетдиилар. Унинг шохларидан бирини тутиб туриб: «Аллоҳнинг изни ила менга эргаш», дедилар. Бас, у ул Зотга худди бурнидан ҳалқа ўтказилган туя ўз етакчисига эргашганига ўхшаб эргашиб кетди. У Зот бошқа дарахтнинг олдига келиб, унинг шохларидан бирини тутиб туриб: «Аллоҳнинг изни ила менга эргаш», дедилар. Бас, у ҳам ул Зотга эргашди. Икковларининг ўртасига етганда уларни улаб туриб: «Иккинги, Аллоҳнинг изни ила, мени тўсинги», дедилар. Улар бир-бирларига киришдилар. Жобир айтадики: «Расулуллоҳ соллаллоҳу алайҳи васаллам менинг яқиндалигимни сезиб қолиб узоқлашмасинлар деб, тезлаб у ердан кетдим. Ўтириб, ўзимга ўзим гапириб бир оз вақтни ўтказибман. Қарасам, Расулуллоҳ соллаллоҳу алайҳи васаллам мен томон келмоқдалар. Икки дарахт эса ажраб ҳар бири ўз ўрнига ўрнашибди. Расулуллоҳ соллаллоҳу алайҳи васалламнинг бошларини қимирлатиб, бундоқ-бундоқ деганларини кўрдим. Сўнгра юриб олдимга келдилар ва: «Эй Жобир, менинг мақомимни кўрдингми?» дедилар. «Ҳа, ё Расулуллоҳ», дедим мен».

Муслим ривоят қилган.

«Ҳадис ва Ҳаёт» китобининг 19-жузидан.